

Adroddiad i:	Cyd-bwyllgor Trosolwg a Chraffu Bwrdd Gwasanaethau Cyhoeddus Conwy a Sir Ddinbych
Dyddiad y Cyfarfod:	21 Hydref 2022
Aelod / Swyddog Arweiniol:	Y Cynghorydd Jason McLellan, Arweinydd Cyngor Sir Ddinbych a chadeirydd y Bwrdd Gwasanaethau Cyhoeddus
Awduron yr adroddiad	Iolo McGregor, Arweinydd Tîm Cynllunio Strategol a Pherfformiad, Cyngor Sir Ddinbych
	Shannon Richardson, Swyddog Cynllunio Strategol a Pherfformiad, Cyngor Sir Ddinbych
Teitl:	Cynllun Lles Bwrdd Gwasanaethau Cyhoeddus Conwy a Sir Ddinbych, 2023 - 2028

1. Am beth mae'r adroddiad yn sôn?

1.1 Mae'r adroddiad yn cyflwyno Cynllun Lles drafft Bwrdd Gwasanaethau Cyhoeddus Conwy a Sir Ddinbych ar gyfer 2023 – 2028.

2. Beth yw'r rheswm dros lunio'r adroddiad hwn?

2.1 I gael mewnbwn gan Gyd-bwyllgor Trosolwg a Chraffu Bwrdd Gwasanaethau Cyhoeddus Conwy a Sir Ddinbych ar y ddogfen ddrafft, yn rhan o ddatblygiad Cynllun Lles y Bwrdd Gwasanaethau Cyhoeddus.

3. Beth yw'r Argymhelliad?

3.1 Bod aelodau'n ystyried cynnwys yr adroddiad hwn a'r Cynllun Lles drafft sydd wedi'i gyflwyno yn atodiad 1 a rhoi adborth / argymhellion i'r Bwrdd Gwasanaethau Cyhoeddus yn ôl yr angen.

4. Manylion yr adroddiad

4.1 Mae Deddf Llesiant Cenedlaethau'r Dyfodol (Cymru) 2015 yn gosod gofyniad statudol ar bob Bwrdd Gwasanaethau Cyhoeddus i gynhyrchu Cynllun Lles Lleol ar gyfer eu hardal. Rhaid i'r Cynllun Lles Lleol nodi sut mae'r Bwrdd Gwasanaethau Cyhoeddus yn bwriadu gwella elfennau economaidd, cymdeithasol, amgylcheddol a lles diwylliannol ei ardal, drwy osod amcanion lleol a fydd yn sicrhau'r cyfraniad mwyaf posibl gan y Bwrdd i gyflawni amcanion lles yn ei ardal. Mae'n rhaid cyhoeddi'r Cynllun Lles cyn pen blwyddyn ar ôl cyhoeddi ei Asesiad Lles. Felly, rydym ni'n gweithio tuag at ddyddiad cau arfaethedig, sef mis Mawrth / Ebrill 2023 ar gyfer cyhoeddi'r Cynllun Lles Lleol.

4.2 Mae'r Bwrdd Gwasanaethau Cyhoeddus, sydd wedi'i lywio gan yr [Asesiad Lles](#), wedi cynnal sawl trafodaeth o ran blaenoriaethau (ym mis Ionawr, mis Mawrth a mis Mai) gyda

chefnogaeth Rhwydwaith Cyd-gynhyrchu Cymru, i ystyried pa feysydd sy'n achosi pryder y byddai'n elwa fwyaf o ymyriad gan y Bwrdd Gwasanaethau Cyhoeddus. Ceisiodd y trafodaethau hyn ganfod yr achosion sydd wrth wraidd y problemau a nodwyd yn yr asesiad, gan ystyried eu cysylltiad a'r dylanwad neu reolaeth sydd gan y Bwrdd Gwasanaethau Cyhoeddus. Yn olaf, cytunwyd y dylid cyflwyno un prif thema sy'n anelu at leihau amddifadedd ac anghydraddoldeb.

- 4.3 Gwnaeth y Bwrdd Gwasanaethau Cyhoeddus gyfarfod eto ym mis Gorffennaf a chytuno ar amlinelliad o Gynllun sy'n anelu at **Wneud Conwy a Sir Ddinbych yn lle mwy cyfartal â llai o amddifadedd**. Lansiodd ymgynghoriad cyhoeddus wedi hynny ar 17 Awst a bydd yn parhau tan 9 Tachwedd. Ar yr un pryd, rydym ni wedi dechrau'r cyfnod 14 wythnos pan fydd yn rhaid i Gomisiynydd Cenedlaethau'r Dyfodol roi adborth ar ein cynllun drafft, ac mae'r sgorsiau hynny wedi bod yn digwydd rhwng swyddogion. Gellir gweld yr ymgynghoriad cyhoeddus ar [wefan y Bwrdd Gwasanaethau Cyhoeddus](#).
- 4.4 Mae gwaith wedi bod yn mynd rhagddo i ddatblygu'r cynllun yn seiliedig ar yr adborth yr ydym ni'n ei gael a'r wybodaeth sydd wedi dod â ni i'r pwynt hwn. Mae'r drafft a gyflwynir yn atodiad 1 yn benllanw i'r gwaith hwn. Ystyrir ei fod yn ddrafft cryf sy'n cynrychioli buddiannau partneriaid yn dda ac sydd gobeithio'n cyfleu hanfod yr hyn y mae'r Bwrdd Gwasanaethau Cyhoeddus eisiau ei gyflawni. Fodd bynnag, mae'n rhaid pwysleisio mai drafft ydyw ac nid yw wedi'i drafod mewn manylder ag aelodau'r Bwrdd Gwasanaethau Cyhoeddus, er ei fod wedi'i rannu â nhw'n electronig i ofyn am adborth yn ystod y cam datblygu hwn. Mae wedi'i gyflwyno mewn cyfarfod arbennig i swyddogion ategol y Bwrdd Gwasanaethau Cyhoeddus, a gynhaliwyd ar 10 Hydref ar gyfer craffu manylach a mewnbwn.
- 4.5 Pan ddaw'r ymgynghoriad i ben ar 9 Tachwedd, bydd unrhyw ddiwygiadau terfynol yn cael eu gwneud cyn iddo gael ei gyflwyno i'w gymeradwyo gan y Bwrdd Gwasanaethau Cyhoeddus ar 30 Tachwedd. Mater i'r sefydliadau unigol sy'n aelodau fydd cadarnhau'r Cynllun yn ystod y gaeaf drwy eu dewis nhw o sianeli cymeradwyo. Cawn ein sicrhau bod y trefniadau ar gyfer hyn ar waith, a fydd wedyn yn galluogi'r Bwrdd Gwasanaethau Cyhoeddus i fabwysiadu eu Cynllun Lles yn ffurfiol ym mis Mawrth 2023.

5. Pa ymgynghoriadau sydd wedi'u cynnal gyda Chraffu ac eraill?

- 5.1 Mae'r Cynllun Lles wedi ei seilio ar dystiolaeth gan yr Asesiad Lles, sydd wedi bod yn destun ar gyfer ymgysylltu â'r cyhoedd drwy gydol mis Chwefror a Mawrth 2022. Yn ogystal â hyn, cafodd ei gyflwyno i Gyd-bwyllgor Trosolwg a Chraffu Conwy a Sir Ddinbych ym mis Chwefror. Mae dau weithdy a chyfarfod cyhoeddus y Bwrdd Gwasanaethau Cyhoeddus wedi trafod canfyddiadau'r asesiad a blaenoriaethu o ran themâu wedi hynny. Cafodd rhain eu cefnogi gan Rwydwaith Cyd-gynhyrchu Cymru.
- 5.2 Mae ymgynghori cyhoeddus ar y cynllun drafft ar y gweill ers 17 Awst tan 9 Tachwedd. Yn ystod y cyfnod hwn, mae trafodaethau'n parhau gyda Swyddfa'r Comisiynydd Llesiant Cenedlaethau'r Dyfodol, swyddogion ategol ac aelodau'r Bwrdd Gwasanaethau Cyhoeddus, ac wrth gwrs, y Cyd-bwyllgor Craffu.

6. Beth yw'r peryglon ac a oes unrhyw beth y gallwn ei wneud i'w lleihau?

- 6.1 Mae perygl nad oes gan y Bwrdd Gwasanaethau Cyhoeddus ddylanwad na rheolaeth o fewn yr amcanion maen nhw'n eu dewis. Bydd y perygl hwn yn cael ei liniaru wrth i Fwrdd Gwasanaethau Cyhoeddus fabwysiadu dull o arwain gan y cydnabyddir bod adnoddau'r Bwrdd Gwasanaethau Cyhoeddus yn brin.
- 6.2. Mae perygl bod blaenoriaethau'r Bwrdd Gwasanaethau Cyhoeddus yn dyblygu'r gwaith sy'n mynd rhagddo mewn sefydliadau eraill. Felly, mae'n bwysig gweithio'n agos gyda phartneriaid a budd-ddeiliaid i nodi lle y gall rôl arweiniol Bwrdd Gwasanaethau Cyhoeddus ychwanegu gwerth orau.
- 6.3. Mae perygl bod yr adborth gan y Comisiynydd, partneriaid neu'r cyhoedd yn rhoi pwysau ar Gynllun Lles y Bwrdd Gwasanaethau Cyhoeddus i ymgymryd â mwy nag y gall gyflawni'n rhesymol.
- 6.4 Mae perygl nad yw'r Cynllun Lles yn barod i gael ei gymeradwyo gan y Bwrdd Gwasanaethau Cyhoeddus ym mis Mawrth 2023, a cholli'r dyddiad cau statudol. Fodd bynnag, ar sail cynnydd presennol, mae hyn yn annebygol.

7. Pŵer i wneud y penderfyniad

- 7.1 Adran 21 Deddf Llywodraeth Leol 2000.
- 7.2 Adran 58 Mesur Llywodraeth Leol (Cymru) 2011.
- 7.3 Rheoliad 3 Rheoliadau Awdurdodau Lleol (Cyd-bwyllgorau Trosolwg a Chraffu) (Cymru) 2013
- 7.4 Adran 35 Deddf Llesiant Cenedlaethau'r Dyfodol (Cymru) 2015
- 7.5 Cylch Gorchwyl a Rheolau Gweithdrefnau ar gyfer Cyd-bwyllgor Trosolwg a Chraffu Bwrdd Gwasanaethau Cyhoeddus Conwy a Sir Ddinbych